

Sr. Eddy Werleman ta encabeza lista di PPN

ORANJESTAD(AAN)- Den un reunion di conseho di Partido Patriotico Nobo Diamars anochi dia 18 di October 1988, sr. Eddy Werleman a keda eligi

como lider politico di P.P.N.. Y como tal e persona cu lo encabeza e lista di candidatos di P.P.N. pa e proximo eleccion.

Pa medio di voto secreto e

miembronan di conseho di partido a eligi sr. Werleman unanimamente como nan lider politico.

Di e forma aki partido P.P.N. a demonstra nan aprecio y confianza den sr. Werleman.

E miembronan a expresa cu e sensatez, cordialidad y sinceridad di sr. Eddy Werleman lo yuda hiba e partido dilanti y lo percura pa un futuro exitoso.

Sr. Eddy Werleman a gradici

pa e confianza poni den su persona y a haci un apelacion na tur miembro pa traha duro pa Aruba y pa P.P.N.

Tambe sr. Werleman a enfatiza cu P.P.N. ta un partido serio y cu e ta spera seriedad di tur e miembronan.

Instalacion di directiva distrito di San Nicolas di P.P.N.

ORANJESTAD(AAN)- Diamars anochi, 18 di October 1988, a tuma lugar na cede di Partido Patriotico Nobo e in-

stalacion oficial di e directiva di distrito di San Nicolas.

Personanan di tur seccion di San Nicolas a ser haya dispuestos pa forma parti di e directiva di e distrito ya menciona.

Despues di a ricibi un splicacion y orientacion di parti di directiva di partido, e presidente sr. Eddy Werleman hunto cu secretario sr. Dolfi Jansen, a haci e acto di instalacion na Centro Patriotico.

E directiva di distrito di San Nicolas ta como lo siguiente: Presidente Sr Charles Groeneveldt, Secretario Sr. Silvio Janga, Tesorero, sr.

Benedicto (Boy) Nicolaas, Comisionario sr. Francisco Wever, sr. Franklin Rasmijn, sr. Wilfred Bijede, sr. Gilbert Rombey.